





明州阿育王山志第十上卷目錄

玉凡社詠

四偈

郭子章

頌佛舍利

釋道

增處士范的育王書石

于李友

谷于使君

范的

禮舍利塔

釋宗亮  
詩二

靈鰻井

游育王寺

劉仁本  
詩二

禱雨金沙井

禮舍利塔

釋噩夢堂

大劉使君韻

釋渤南溟

寄元虛師

釋宥用堂

題明月堂

舒亶

游育王寺

金元素

錢教諭紳祭金沙井次韻

釋體元



游育王寺 謝彥禎

游育王寺贈福上人 屠浦

前題 張昂 游育王寺 張得中

宿普香室 夏時正 詩二 登上塔

游育王寺 章繪 禮舍利塔 張楷

贈只庵禪師 俞塲 題竹 鄭珞

贈顧庵禪師 洪貫 游育王寺 王應

登上塔 張邦奇 育王寺 張懋賢

白雲竹院 高弟

和高使君瓦屋韻 豐坊 詩上

入山呈日峰首座 游損巖

登上塔 望海 二首

白雲竹院

登溪山光色樓 謝汝儀 前題 馮應奎

前題 釋道謨 詩二 白雲竹院

訪李六峰侍衛過育王寺 鄭威

游育王寺次高瓦屋韻 李循義 詩二

前題次鄭沙村韻

游育王寺 唐曜 詩四 次高瓦屋韻

次鄭沙村韻 游育王山總歌



禮舍利塔

釋僧欽 詩四

望海亭

無異堂

淵靈廟

禮舍利

釋方澤

登上塔

李堂

游育王寺

朱訥

山橫玉几

倪光

香篆燒雲

桂英

燈然兩塔

鄒閻

井湧金沙

史鏞

鐘度重關

方震

螢照松堂

王政

鹿鳴芝洞

倪鑰

茶鑿煮月

蔡欽

禮育王塔贈瓶公

時廣勗

陸光祖

贈秘藏法師入紫阜習靜

游育王寺

龍德孚 詩三

叅舍利塔

解帶付育王塔主瓶無漏

謁育王塔

汪道會

與無漏瓶公清話

沈一貫 詩三

送秘藏法師入紫阜山

三首

禮舍利塔贈無漏瓶公

釋傳學

遙禮鄧山舍利送理公還四明

郭子章

贈無漏律師

沈明臣

贈無漏上人

王樺登 詩三

送慧日秘藏二師還玉几



玉几昇公禮吳中石像寄贈

赴鄮峰華嚴道場 屠隆詩十三

贈無漏律師 壽無疆六十

贈慧日上人 懷秘藏法師

旅泊庵詩四首為秘藏法師賦

送秘藏上人省母 二首

游育王寺 周應賓詩三 和屠田叔禮舍利韻

戲贈秘藏上人 林祖述

贈無漏上人

重禮舍利 釋傳燈詩十一

贈師弟瓶公 送秘藏掩關紫阜

題慧日寒玉齋 宿秘藏聞復齋

送秘藏還育王 谷旅泊庵賓主偈

送秘藏歸寧 二首 瑞陽日游損巖

送秘藏之維揚

贈無漏上人 張邦伊詩二 送昇公入天台 曾鳳儀

禮舍利塔贈秘藏法師 曾鳳儀

贈甌公住育王 釋傳如詩五

秘藏掩關紫阜 送理公歸寧 二首

贈慈日昇公



禮舍利塔赴藏公之約三層本峻首

送理公宣州省母馮夢禎

游玉几張邦侗 詩三訪無漏律師

懷理公上座

寄無漏律師聞龍 詩六賦秘藏法師

衣慧日上人 送理公省母二首

送慧日訪王百谷 過道謙上人蒙泉居

贈秘藏理公柴以觀 詩二 陳玉賓

玉几歌贈秘藏法師 沈泰鴻

旃泊庵賦為秘藏法師

登上塔盧澹 詩二攤書

與無漏師夜坐釋傳慧 詩三送慧日游錢唐

題秘藏旃泊庵

隨喜舍利塔羅大紘 詩二

送理公之金陵釋真源

贈無漏開士胡隱蓮

問旃泊庵賓主李麟 偈二

訊無漏師掩關釋宏願 詩二寄慧日秘藏

與無漏師夜坐釋佛引 詩四宿秘藏旃泊庵

城南晚眺同慧日秘藏



送秘藏訪郭太乙陵島

訪無漏師掩關不值

潘萬化

禮舍利塔

釋圓復 詩六

夜坐甌師淨室

結夏育王同慧日秘藏

旅泊庵為藏公賦

同幽溪大師游損巖

貽三支集與益道謙

送秘藏之維揚訪郭太乙陵島

前題

釋正性

前題

釋受職

謁四明廣利寺舍利塔

郭孔太 詩三

同徐觀察陶孝廉宿理公白雲竹院

秘藏法師小園夜坐次韻奉答

禮鄧山舍利塔

郭孔陵 詩五

游育王寺贈秘藏法師

春日同玉几理公羅寶網舟中即事

鍊佛寺同理公夜坐

理公以散花室詩見投次韻

舍利塔

樂長卿

玉凡峯

金沙井

仙書巖

佛跡亭

七佛潭

大權河

承恩閣

涌現巖

妙喜泉







重珠葢靈光變利柱吐芙蓉屢開朝霧露數示曉  
靈蹤紅霓相映發風搖響和鐘仙鸞往往見神僧  
數數從獨超羣聖上含識普生恭砧椎擊不碎方  
知聖德顒

贈處士范的育王書石

有序

育王寺常住田碑嘗爲寇盜隳壞久無豎立  
會剡越間有隱逸之士曰范的業文功書未  
遇於時常平泊雲水間一日扁舟之明余邀  
以書之以補阿育王缺典時處士書碑於玉  
几山因以寄贈

于季友

墨妙復辭雄扁舟訪遠公雪天書梵字霜月步蓮  
宮跡寄雙林下名留劫石中遙知松逕望棠葉滿  
山紅

答于使君時余在育王寺書石使君寄贈四  
韻依次用本韻奉酬

范的

拙藝荷才雄新詩啟謝公開緘光佛域望景動星  
宮風雪文章裏書鐫琬珣中將誰比佳句霞綺散  
成紅

咏范供奉禮舍利塔

唐釋宗亮

鐵輪王使鬼神功靈塔飛來鄧嶺東有客不隨流



水去磬敲踈雪淡雲中

靈鰻井

散盡殘雲碧鬢開靈魚石縫露星腮寒生鏡底長  
清淺泉脉流從印土來

游育王寺

劉仁本

古鄮名山控海涯谿天深護梵王家一峰橫王前  
陳几九井沉金下涌沙鍾磬隔林回鸛鶴松杉夾  
道走龍蛇來朝更上盤陀石遙瞻祥光燭海霞

禱雨金沙井

爲乞天瓢走謁龍秉誠曾到育王宮萬利舍利孤

幢在一脉靈泉九井通雲氣合來鰻出水雨聲隨  
至鳥呼風應須三日甘霖遍太守同歸造化功

禮舍利塔

噩夢堂

披石捫蘿疊梵宮山深路絕往來蹤雲歸龍隱金  
沙井月上猿啼玉几峯據會亭幽花木抱普同塔  
古蘚苔封我來親覩真金像舍利光吞海日紅

次劉使君韻

渤南溟

浮屠高聳三千尺下控平居十萬家客散清宵虛  
講席僧來赤脚渡流沙好山當戶奔於馬亂水通  
渠曲類蛇使節登臨春興逸碧桃花下醉流霞



寄元虛照禪

釋南堂

演法高登玉几峰宏機堪復器之風不因北海鵬  
程遠爭得西丘祖脉通一炬自焚龍腦鉢十虛都  
作錦薰籠向來曾讀宸奎記萬古光輝日月同

題明月堂

宋舒亶

引月貯虛堂堂高附南極我當盛暑來萬象生秋  
色堂豈朝朝新月亦有時蝕一寸坐禪心萬古磨  
不得

遊育王寺

金原素

育王名利冠東南中有瞿曇趣味酣海氣結雲時

作雨山光迎日晝爲嵐可人白鶴來松逕聽法蒼  
龍出石潭親見金星還寶塔世尊舍利現珠龕

錢教諭紳祭金沙井次韻

釋體元

每羨良儔共懽賞故舊江湖惜長往錢公與我方  
外交幾度馳神勞渴想謁龍禱雨當深秋摩挲石  
刻詢來由致祝宣文禮初畢金沙聖井借優游適  
欲分襟鄮峰下涉嶺凝眸猶駐馬半溪流水響鳴  
琴岸青山列圖畫日回西崦穿洞天垂鞭緩步  
凌危巔薄暮夷猶極清興新詩走筆如涌泉人事  
紛拏塵夢裏今古那能究終始全身脫畧惟子房



四皓虛譽傳用里肯從晦迹專一邱丹崖翠壁居  
深幽不解施工輔名教譬植黍稷空無收先生讀  
書只一過雄辨高談驚四座橫霄老氣尙崢嶸陽  
春白雪難爲和聖賢奧闕誠莫窮鬱然丘壑蟠胸  
中挹露忻看階畔菊迎風愛聽簷前松眷彼儒釋  
復何異磊落奇才豈徒爾明經足繼程伊川振世  
奚慚錢若水論文最喜真意濃情懷傾倒嗟同風  
未擬過逢到城郭凭欄 首雲冥濛

遊育王寺

薛彥祺

几橫青玉鄮峰南萬壑松聲曉正酣舍利寶光明  
登翠招提香霧接層嵐虎來聽法風生座鰻起朝  
天月滿潭方丈老翁年八十六時蓮漏一蒲龕

游育王寺贈福上人

屠 滂

雪霽峰巒露翠鬢病餘登眺強開顏一生容貌鶴  
同瘦半日襟懷僧共閒風逐松聲來枕上月隨梅  
影到窓間獨憐舍利無檀越舊日靈光尙未還

前題

張 昺

春風連袂入松關秀壓東南百萬山簾捲半空橫  
玉几雲開四面擁青鬢香銷栢子禪機息雨濕茶  
烟鶴夢閒舍利一函光彩舊碑文數尺蘚苔斑賞



心已遂三生約天意重留兩日間頓覺精神超物  
外那知身世在塵寰客子清歌蘇武節主人高興  
遠公班詩成大雅鏗金石酒出新槽阻珮環錢湖  
有約終湏泛霞嶼何妨共咲攀好景良朋遊未了  
夕陽江上放舟還

遊育王寺

張得中

萍跡江湖興未賒乘閑又到梵王家浮圖飛影連  
蒼靄舍利騰光映彩霞鰲載奇峰橫玉几龍蟠聖  
水漾金沙老僧愛客留清話竹榻平分自煮茶

宿普香室

夏時正

詩思清人睡不成彈碁罌茗坐深更洗空兩耳浮  
華事滿屋松聲與水聲

登上塔

滿身烟霧冷淒迷竹樹陰森接檻齊蠟屐高躋望  
晴日扶桑拂影海天低

遊育王寺

章繪

聞說茲山勝少林自從中古到于今久懷登覽因  
循過乘興追遊取次吟舍利朗開金世界曇花飄  
墜白雲岑呼童打起枝頭鳥莫遣春聲雜梵音

禮舍利塔

張楷



天使儒生信佛乘故令舍利現光明從茲眼界無  
塵障便覺心田契道情午夜梵音獅子吼千年機  
會鳳凰鳴他時玉几修遺錄誰謂榮陽獨有名

贈頤菴禪師

俞 壻

威儀濟濟德淳龐鄖嶺東來建法幢錦繡文章傳  
第一冰霜戒行擅無雙劇談妙法花飛雨悟徹元  
機月印江非但錫頭能解虎鉢中常使毒龍降

題竹

鄭 珞

摩詰仙遊去不還惟餘墨蹟在人間數竿風月留  
真趣付與明州玉几山

贈頤庵禪師

洪 貫

入山僧臘未多年青致還勝出沼蓮詩句不敲駟  
背苦心齋已悟石頭禪梨花夜月真成約桃李春  
風信有緣情重阿育延坐久日長添炷寶爐烟

遊育王寺

王應鵬

中條一支路十里夾青松龍卧金沙井雲依玉几  
峰殿鍾聲裊裊花澗水淙淙惠遠相聞久無因識  
道容

登上塔

張邦奇

記得當年黃鶴樓憑欄閑看漢江流鄖峰今日層



隋書王山志 卷十  
霄裏幾點青山海上浮

育王寺

張懋賢

舍利光存否迴巒試一登  
捫蘿雲在靴汲井月隨繩  
倦欲蒲團卧豪思玉几憑  
廿年遊覽興今日爲君乘

白雲竹院

高第

玉几山前看白雲  
金沙泉上餽青精  
野鷗渡水客愁破  
空露濕衣秋思清  
漫采瑤華悲落日  
閒翻貝葉歎浮生  
故園巖壑知誰主  
是處風煙重我情

和高瓦屋使君韻

豐坊

塔院雲光層復層  
高人禪定向來精  
波心心月千林白  
石骨流泉萬古清  
藏界是真還是幻  
法身無滅亦無生  
使君猶縮黃金綬  
多病偏諧遯世情

入山呈日峰首座

天借閣浮放玉毫  
幽樓得地萬緣消  
山中麗日身常淨  
竹上靈泉息自調  
蘇砌聽經留虎跡  
萍池施食長魚苗  
年來已發皈依願  
共隱叢林不用招

游損巖

新春覽勝興悠哉  
曉日晴雲縈且迴  
萬頃山光如泛海  
青烟開處一僧來



附錄五山志  
卷十  
登上塔

火發茶香歸鉢淨風傳竹韻過窓虛杖頭探得金沙窟寂寂靈源本自如

望海二首

信步忽凌虛天風逐嘯呼左窺窮大海右瞰俯澄湖雁落初開地龍降舊獻珠千年神跡在長此護

浮圖

崔嵬一登眺神爽越人天巨浸全心性浮漚悟世緣乾坤元氣合日夜化機旋若問桑田事三山在

目前

白雲竹院

竹房長對白雲山六月携琴獨扣關露下瑤空庭鶴舞雨飄玉几鉢龍還坐閱貝文醒醉夢步隨沙派引潺湲重來旬日忘歸去誰謂浮生未易閒

登溪光山色樓

謝汝儀

蘭若何年構此樓屏山枕水趣悠悠窗搖倒影晴風細簾捲西巒暮靄收承宇飛雲時變化眩眸絕壁自春秋憑欄今喜情超逸他日相傳是勝游

前題

馮應奎

梵闕登臨更上樓溪光山色兩悠悠浮金謾挹晴



阿育王山志 卷一  
曠轉列翠頻瞻宿霧收排闥遠容偏入暮護田深  
映獨宜秋十年回首風波地此日相看是勝遊

前題

釋道謨

溪抱山兮山抱樓令人登眺思悠悠溪光搖檻清  
堪掬山色凝簾翠可收影漾金沙銀漢月香浮玉  
几桂巖秋此中風景真兜率塵跡無媒莫浪游

題白雲竹院

一片無心百尺臺詩題節下底須裁池涵練影知  
龍化簫奏韻音引鳳來縹緲晴嵐浮座榻飛飛蒼  
雪點莓苔遠公素納令人浣晒向琅玕傍草萊

訪李六峰侍御過育王寺

鄭威

鄮峰峰下育王寺長短白雲并彩霞八萬四千傳  
舍利古今旦暮老袈裟山環玉几客作主地湧金  
蓮天雨花苦熱恰來河朔飲僧家元是勝官家

遊育王寺次高瓦屋韻

李循義

偶將宦况寄秋雲出郭來尋僧舍精林卧水聲仙  
骨冷月行山影客衣清烟花有待隨詩入塵土無  
緣逐夢生莫謾袈裟談淨業五雲深處未忘情

前題次鄭沙村韻

鄮峰深處青蓮宇寶樹珠林護紫霞刺史從容問



民俗老僧顛倒着袈裟降龍帶雨歸深井野鹿聽  
經眠落花塵土不生風日靜蓬萊何處有仙家

遊育王寺

唐 曜

萬木辭柯與露流育王山寺逐仙遊泉通法海金  
沙滴岫出耆闍玉几幽舍利有光隨卓錫菩提無  
樹長靈丘連珠疊壁因尋勝忍草靈花共趁秋

次高瓦屋韻

野寺秋光淨六塵茶鐺午夢熟黃精真乘駕載三  
車富明鏡臺空四大清昏黑定須瞻法界逍遙今  
已悟長生欲聞佛祖西來意始信閭丘物外情

次鄭沙村韻

勝蘿浮結空中殿羽蓋遙臨海上霞虛唄忽疑聞  
管籥傳衣聊復問袈裟迴廊細摘娑羅葉遶塔全  
開智慧花十里下山塵路遠白雲依舊鎖仙家

游育王八景與蘭朱簡總歌

阿育王山截然屹立東吳東左連右帶何重重烟  
嵐捲盡海天淨倒插千朶萬朶青芙蓉上有層臺  
峻閣突兀絢金碧飛泉恠石衝激聲隆隆俯瞰洩  
尾閭東注之溟濛機自息於玉几南來之奇峰霧縵  
井煖金沙湧石梁高駕飛晴虹燈燃兩塔晝夜明



光搖萬丈紅玲瓏闍黎課罷猿鶴歸微風暗度重  
關鐘夜半松堂雨初歇一點山螢照明滅洞芝深  
處鹿一聲喚起降龍投彈舌蒲團出定禪思清床  
頭茶鑪火初熟大空小空不驚童子眠自汲澄潭  
煮寒月六時靜裏連漏遲雲飄香篆游絲結上人  
跌坐不放叅上方自與塵囂絕露蔡曉折炊胡麻  
晴窓補衲裁雲霞青標便是仙人家十洲三島何  
須誇我欲攀巢探窟排風情郎吟只愁山人驚我  
欲牽蘿縛竹借遊憩苦空却與風流異浩歌一曲  
歸去來醉懷豁達乾坤開

舍利塔

育王四景

雪巖欽

迸出神光奪夜寒光從七寶聚中看目前有見有  
不見揔是當機人自瞞

望海亭

怒濤翻雪曉雲寒浴出金烏天渺漫要識全潮全  
是水不妨來倚玉闌干

無異堂

目前法法盡平沉四壁寥寥蘚暈深冷淡中存千  
古意須知千古卽如今

淵靈廟



一脈知從何處通四簾寒綠浸青松  
卒風暴雨躲得過遮裏元來有活龍

禮舍利塔

釋方德

鄮峰凌海蜃樓邊舍利相傳自五天  
分置還先白馬使湧流更後赤烏年  
玉輪瑩轉重函祕寶燄紛騰疊錦纏  
疇昔瞻依親拜舞自驚身在覺皇前

登上塔

李堂

絕巘登登路欲迷上方真與碧雲齊  
廿年閣眼觀東海快望秋潮座日低

游育王寺

花鳥尋常百樣春名山偶爾看來真  
試攀千尺高峰上今古登臨有幾人

山橫玉几

育王八景

倪光

育王世界自天成門外青山玉几橫  
行道北朝香案近談元南拱白雲平  
珠林半出迎禪駕石鏡長懸照化城  
謾擬烏皮兼白鹿雨花臺上說詩名

香篆燒雲

杜英

鵲尾爐中寶篆分一星火燒氣成雲  
玉衡影轉璇璣運金裊光浮琬琰文  
爲厭冗中繁俗慮特來閒處挹清芬  
山僧鼻觀空諸相朝夕焚脩意趣勤



燈燃兩塔

鄒閻

百尺浮圖插半空兩峰相對夜燈紅光廻鄧嶺干  
山外影落扶桑大海東法界照臨開黑業塵凡皈  
向仰宗風主持今送日休去應見山門萬世功

井湧金沙

史鏞

名山山下有潛龍半隱山中半水中沙湧黃金籠  
雨氣雲生白日起靈風綺欄不設苔痕斷石甃元  
餘海氣通駐錫請看神應處定分一鉢濟年豐

鐘度重關

方震

漏盡鐘鳴啟梵宮隨風直度太虛中龍吟殿裏催

天曉虎嘯山前候日紅百八教門知有數三千世  
界聽無窮老僧課罷歸松榻心是空時色是空

螢照松堂

王政

雨歇山南夜氣涼螢燈一點照松堂隨風飄到金  
星小觸几飛回玉燼長可笑逸遊搖作戲堪嗟耽  
讀苦爲囊幽禪本性憐生物一任輕盈定衲裳

鹿鳴芝洞

倪鏞

呦呦麋鹿共和鳴爲愛靈芝洞口生王點沿身干  
歲古銅牌繫角七星明渴時惟飲潭中水饑處猶  
餐野外草法相已無蕉覆夢每來聽誦傍階行



茶鐺煮月

蔡欽

老禪出定雨晴天和月煎茶袒右肩半榻清風燒  
落葉一溪秋色汲新泉蒼蠅夜集爐頭鼎睡鶴時  
驚座上烟爲囑高僧休自啜相如病渴卧文園

禮育王塔贈瓶公

陳廣飭

寺門黃葉冷秋煙曾向空王問四禪尙有生公閒  
白石將無居士是青蓮慈雲徧覆珠幢潤朗月猶  
依寶座縣十載壯心稱任俠一時銷盡佛鐙前

送秘藏法師入紫阜習靜

有序

上人自宛陵來參舍利於鄮峰見光瑞希有

卽從住持瓶公薙染受具乃庚寅歲佛歡喜  
日也後入天台受業於有門法師大悟教觀  
之旨然衣珠自昧須憑開示薰修證入必假  
靜功遂頓捨塵緣翛然壁觀余嘉其精進因  
書二絕以贈之

陸光祖

薙髮鄮峰脩白業又從紫阜息攀緣三年穎悟金  
仙訣慧日高懸照義天

蘆穿定鄴鶴巢顛楊柳軍持不計年遙望赤城霞  
散彩禪關寂寂一登懸

游阿育王寺

龍德孚



阿育叢林不記年講堂松雪覆人天金沙龍噴法  
壇兩玉几雲橫香案烟飛白獨餘蕭字在浮圖寶  
有寶珠懸山僧莫漫談興廢萬劫歸空總是禪

參舍利塔

一點光明佛千年舍利堂金鐘天籟湧玉几雨花  
香飛白仍蕭字浮圖定育王寶珠無色相肉眼自  
玄黃

解帶付育王塔寺無漏住持

慈海航來早放閑臨岐解珮向禪關休言我帶難  
爲玉總足君恩好鎮山遠社蓮花原自白旃林鸚

鵝亦如鸚從今縛去津無礙選佛場中別有班

謁阿育上塔

汪道會

甬東育王寺舍利鎖琅函香繞千華塲光騰五色  
龕聚沙還證果布地是精藍媿我貧居士空囊無  
可探

與無漏住持清話

沈一貫

智夫不省余愚人余不省獨有僧無漏相談移日  
影嫌渠媿人多謂渠肩佛猛舍利在空中塔是空  
中影

送秘藏法師習靜紫阜二絕



曾悟生公說法來鄮峰高處講堂開談到新伊無  
字句又携瓢笠入天台

頓辭闐闐訪名山卓錫千峰翠靄間數息觀成初  
入定碧烟明月滿禪關

禮舍利塔贈無漏瓶公

釋傳學

鄮峰鬱岵堯地僻鍾靈祕霞色映娑羅泉聲流薛  
荔海濤和梵音玉几清元思宰堵蘊摩尼如來真  
舍利翹勤共仰瞻絢幻不思議必信空諸緣草頭  
皆現瑞山幽蘿月親榻靜松風吹香氣散奇葩翠  
靄分禪肆吾兄有夙因錫卓於茲地更喜有神支  
儀標清且粹願依適舊懷何日將形寄惜別意遲  
遲行行猶把臂

遙瞻舍利塔送理公還四明

郭子章

蘭綺解來已十年標心時在鄮峰巔遙瞻赤堊霞  
千頃靜想金沙月半絃雙樹常敷蕭寺迥孤幢無  
縫寶珠縣秋風瑟瑟天涯遠佇看浮杯下甬川

贈無漏律師

沈明臣

天然先生莫與齊何如六祖住曹溪化度十方皆  
面北總持三教盡歸西寶幢再見曇花落玉几惟  
聞怖鴿棲憐駿櫪嘶支遁馬談經聽宋公鷄靈



鰻井畔龍降鉢鬼谷祠前虎印泥舍利閣成吾借  
問虹梁日月許誰題

贈無漏上人

王穉登

玉几山中寺千峰鳥道斜傳聞舍利塔猶在育王  
家慧日懸多寶祥雲護散花師今脩廢刹還擬聚  
河沙

送慧日祕藏二師還玉几

未遍金昌寺思歸玉几峰雨行朝荷笠雲卧夜聽  
鐘問渡同浮葦還山拱指松願瞻阿育塔塵累未  
能從

玉几昇公禮吳中石像寄贈

挂衲瞻雙像持經禮百回聽猿過越嶺隨鹿上蘇  
臺海月杯中渡山雲錫上來誰知病摩詰四壁滿  
蒼苔

赴鄮峰瓶公華嚴道場

屠隆

慧遠住東林中峰棲天目迹與世俗冥心將超凡  
俗師開華嚴藏翻經集上足永願持五戒誓不住  
六欲我來一隨喜身心去穢濁

贈無漏律師

有漏人天果無漏乃聖諦脩梵超諸漏漏盡成了



阿育王山志 卷一  
義不往亦不來此理叅尸棄慧性破疑團圓機導  
鄙滯應緣爲衆生辟支非所礙

贈無疆上座

人間甲子豈云多無量僧祇是刹那五色祥光呈  
舍利九天花雨散曼陀月華香積聞鐘磬梵宇經  
臺掛薜蘿久向遠師叅佛印片雲西去指恒河

贈慧日上人

法性朗初日心珠湛水源非關懸獨照兼以鑠羣  
昏梵唄長松下跣趺雙樹根無明從此破直人涅  
槃門

懷秘藏法師

西來有祖意吾欲問盧能誰道珠藏髻將無火是  
燈松間開寶藏言下踏金繩花雨雲光法何如碧  
眼僧

旅泊庵詩四首爲秘藏法師賦

客舍春來花草香爭如本地好風光迷人忘却身  
爲客錯認并州是故鄉

一握尼珠照十方到來火宅便清涼天堂地獄憑  
君住異類中行也不妨

結草爲庵只暫棲知師言下破羣迷他年幢蓋來



相透彈指金銀淨土  
原自西天印度來  
因瞻舍利傍香臺  
願師久住譚  
方等朶朶蓮花舌  
上開

送秘藏上人省母

上人祝髮悟真空  
法界三千入掌中  
何處故鄉猶  
在夢錫飛遙自海雲東

舍利光中禮法王  
摩尼一點照迷方  
暫詩歸去親  
如問新著袈裟有戒香

游阿育王寺

周應賓

躡屩攀靈壑  
披榛問化城  
嵐開山角紫  
留落水痕

清細雨經花濕  
踈風引幌輕  
須知無受想方可證  
無生

屠田叔瞻禮舍利塔  
獲睹瑞光有詩見示  
因憶昔年之過依韻和之

聞君鄧嶺禮空王  
窅堵波中顯瑞光  
日鏡天懸金  
作相露盤地湧寶  
爲粧何緣靈醜留塵世  
似有神燈現法堂  
我亦昔年登此殿  
摩尼曾睹白毫祥

戲贈秘藏上人

春來無日不看山  
匹馬孤雲任往還  
却怪山僧也  
喜事乞詩索字未曾閒



贈無漏上人

林祖述

偶到禪關坐夜分  
數聲鐘磬隔林聞  
當門古路遙通海  
傍嶺孤松半入雲  
舍利靈光時隱見  
娑羅雙影自繽紛  
高僧了悟如來意  
一卷彌陀伴鹿羣

重禮舍利

釋傳燈

珍函舍利育王封  
寶殿重輝瑞靄濃  
震旦皈依驩萬姓  
金沙擁護躍雙龍  
泥洹門秀霜林樹  
率堵光吞玉几峰  
我亦比丘何宿幸  
善來一再得遭逢

贈師弟瓶公

涅槃妙心無生訣  
甘露清涼離炎熱  
慶喜盛將帝釋瓶  
搵持一滴無漏洩  
佛祖相傳傳至君  
所期濁世開迷羣  
問君何時致甘雨  
蒼生久佇霑慈雲  
玉几朝來多爽氣  
笑觀松間真舍利  
心非松兮松非心  
於茲我見西來意  
此是如來秘密因  
昔人寶重逾千鈞  
豈當等雨閭浮地  
普令枯稿回陽春

送秘藏掩關紫阜

道者茆茨何處尋  
跏趺應在萬松深  
九峰山靄青蓮色  
五峙雲空白業心  
迦葉頭陀身似鐵  
文殊鎖子骨如金  
三年精進齊諸聖  
名拔叢林振古今

題慧日寒玉齋



山居結室愛團樂爽氣蕭蕭秀可餐蔽日近成千  
箇玉蔭人已釀九秋寒座中何處分空色耳畔因  
之入諦觀賞鑒只須支許輩等閑未許借人看

宿秘藏聞復齋

本自無出欲何復圓通法鼓成塗毒一擊直教兩  
耳聾自家觀音常在屋

夜半枝頭聞杜鵑阿誰消息倩人傳百千三昧渾  
閒事且向毘盧頂上眠

送秘藏還育王復招聖水度夏

為道離師久飄然歸四明芒鞋歸路捷瓦鉢杖頭

輕莫畏天台遠當思聖水清來茲避炎暑知舊謾  
為情

荅旅泊庵賓主偈

杖頭一鉢是生涯到處乾坤悉我家三界何人非  
旅泊寂光無地不蓮花園中看竹誰論主庵裡迎  
賓且喫茶自是一般頭與面喚賓喚主總由他

送秘藏歸寧二首

出家何事更寧家只為親年暮景斜佛法人情能  
兩盡君身已是白蓮花

誰箇衆生非我親孝親端在孝精神此心返妄歸



阿育王山志 卷一  
眞日大地都霑劫外春

端陽日與慧日休遠過秘藏損巖分韻賦詩  
共紀其勝得質韻

久住天台山任性滄芝术偶來人世間塵俗無堪  
詰喜爾二三子邀我志超逸愛此損巖幽峰巒殊  
峯嶺巖下紆清流寒冽甘於蜜淪薜會元言跣跌  
耽靜謐嘉樹礙行雲蜜篠障酷日睥睨窺南山松  
間玉几出古人一丘壑餘生便可畢矧此名山中  
厥地舊稱吉殷勤問主人何當營靜室留我一蒲  
團時來觀眞實

結制日同充庵法師及休遠恒如送秘藏姪  
往維揚訪郭太乙陵舄昆玉

已冥圓覺性結制得慈航楊柳田衣色蓮華戒度  
香泉刀元是水居士舊稱湯不負空王願重重舍  
利光

贈無漏上人

張邦伊

瓶公久慕是高僧衣鉢天台悟大乘本爲名山遙  
卓錫總持法界靜傳燈曇華拂拂神龍護甘露紉  
紛夜鬼憑我欲追隨躋淨土空林縹緲白雲層  
送玉几昇公人天台



幾日天台路慈航越好風香燈色相外水月有無  
中雙樹依禪室千峰擁梵宮經行心更寂了了悟  
真空

禮鄧山舍利兼贈秘藏法師

曾鳳儀

暫息車塵躡草堂因參舍利印空王芬陀香落諸  
天翠窠堵幽舒五色光踈磬漫隨蕉雨寂閑雲猶  
帶竹風長通宵喜聽生公法裊裊恭烟蓋上方

贈瓶公住持舍利殿

釋傳如

持將甘露水大地蕩塵氛皎皎含明月霏霏吐白  
雲靈虛歸一相寂照越多開舍利流寒玉圓暉去

可分

秘藏掩關紫阜

結茅尋紫阜息影借祇園呪食猿窺鉢翻經虎在  
門田衣分竹色石儿上苔痕壇鏡交光處毫端對  
至導

送理公歸寧

白雲片片日西時雲想慈親日想師師誼親恩俱  
不負五河歸去卽蓮池

出門霜雪入門春佛法人情自不論大庾梅花開  
易落且宜霜雪漫宜春



贈慧日昇公

隣虛初剖處海印自生春不藉天爲眼還乘智作  
輪靈輝開積劫朗照發圓因夢識從今斷千光道  
愈新

禮舍利塔赴藏公之約 三首

屠本峻

年華今七十月月遞環絙自願風流滅空知老態  
增避喧來寶地禮懺將高僧師但無言示期予遣  
愛憎

藏公會久約舍利始來叅曉殿開晨旭秋山捲夕  
嵐共尋鳥石古自笑白頭慙永夜雲房宿名言次

第探

東塔倚名山籐蘿委曲攀佛光浮日迥仙嶠到秋  
閒裏足行來易擔簦上不難來朝返城郭應帶嶺  
雲還

送鄮山理公宣州省母

馮夢禎

宣州幾度望明州舍利茫茫不易求今日鄮峰高  
處望白雲深處是宣州

游玉几

張邦侗

玉几憑陵雙樹前流雲駐錫自年年經行無礙青  
山濶施食長看白鳥旋晨起覺華開首座夜來慧



炬照初禪定回每見空中影舍利光騰五淨天

訪無漏律師

野寺聞經已悟空祇園此日訪高蹤扶踈雙樹清  
陰合縹緲層臺翠靄封彈指西方應有待浮杯東  
海定相從古來細說非文字山自嶙峋水自春

寄懷損巖理公上座

不見支郎面傳聞入萬山閒雲朝山岫白月夜臨  
關石几緣苔綠田衣上蘚斑從來無一字肯許落  
人間

將卜草堂於玉几先寄無漏律師 聞龍

徧性難偕俗塵勞合避喧買山依老衲習靜借祇  
園已信無生樂還嗟有待煩不須弛酒戒吾謹謝  
芳樽

贈鄮山秘藏法師

玉几何年寺金仙幾葉孫辨才窮義海慧業重空  
門千里飡風至諸方避席言無論出三界已羨衆  
中尊

懷慧日上人

自返東林策恒懷彼上人茗甌精自喜香谷迥誰  
隣貌古心無競詩工語聿新清標何所似山色共



嶙峋

送玉几理公歸宣州省母二首

才向天台返四明又將飛錫指宣城韶光滿眼都無著只有閉雲結伴行

出家何事更思家千里寧親不憚賒聞道世尊兜率上也曾說法度摩耶

送慧日上人訪王百谷

維摩方丈室師去挹清芬若見譚元旨應留坐夜分道心涼似月詩思鬱如雲歸日多新詠旃檀字

贈秘藏理公

柴以觀

娑羅林裏靜廬深不爲安禪廢朗吟自有方塘棲定水能無半偈覓知音佛留金粟光千古僧閉雲房對一棊盡日忘言悟三昧西風颯颯起庭陰

過道謙上人蒙泉居

方池一泓水獨對見禪心月入光如定風來色更深軍持和柳潤淨供帶花侵自有安禪法魚龍聽梵音

玉几歌贈秘藏師

有引

理公卓錫鄮峰演法草堂海衆雲臨天花幾



落謹作歌行以贈之

陳王賓

玉几之山青無瑕列峰南  
碎護釋迦釋迦舍利湧  
地出光放車輪現五色  
靈鰲隱金沙慧燈懸蘿壁  
傳來奇異幾千禩代有高僧說  
真諦于今台教宗  
覺師鉢傳無漏佛授記杯渡敬  
亭雲笠重吳山雨  
掩關入紫阜開講憑玉几天女  
曼陀花散作功德  
水余亦慕之深饑渴一夜飛渡鑑湖月與師煮茗  
話無生却咲鑑湖月盈缺玉几屏婆羅窟獅兮象  
兮森成列如來金臂舒毫光白於雪我欲移家玉  
几峰請師像拂生公石

旅泊庵賦爲秘藏法師

沈泰鴻

三界如旅泊已泊安得旅究竟如是觀三界無泊  
處理公築一庵兀然獨棲止及至無所還誰復別  
爲主萬千獅子座丈室貯如許爲室不爲室亦貯  
亦不貯廣額屠兒刀韋馱尊天杵爛却虛空是實  
無可告汝

登育王上塔

盧澣

偶動躋攀興危登上塔巔  
語聲飛鳥外人影斷雲  
邊夕照低臨海寒流遠下田山房隱深竹誰爲訪  
幽禪



攤書

玉几當山寺幽人坐更宜開書日欲午鶴動青松枝

與無漏師夜坐

釋傳慧

上方清曉月如弦靜對高師兩默然爐篆成雲流半壁巖花似雨散諸天沉沉法鼓空中應隱隱香幢海外懸情景逐人非易遣欲同林下結三椽

送慧日上座游錢唐聖果寺

去年我渡錢唐東憶師挂搭華頂峰頂峰去天僅數尺岷屋盡在烟霞中欲往從之無覓處空思斧

鑿開洪濛惆悵歸來依舊广雪壓高松門書掩開門喜尔亦旋歸碧眼雙睛電光閃冰結芒鞋踏更堅雲連布衲濃於染四相遷流歲忽過剎那春盡落花多送師又向錢唐去江上招提隱碧蘿信知去住真無著或往或來如有約煩師爲我報山靈我亦來朝整行脚

題秘藏法兄旅泊庵

三界兮非安師胡爲兮棲托或眾生兮可憐誓應身兮旅泊依舍利兮放光同惠達兮酬酢泉飲兮妙喜之妙果證兮樂邦之樂共期台教兮中興爭



疑智者兮復作余委藉師兮同時寧棄闡提兮  
獲落

隨喜舍利二絕

羅大紘

旃檀塔內隱金鐘舍利中藏寶色重隨好光明隨  
處是山頭  
日照蒼松

平生蹤跡滿天涯赤堇徘徊轉法華自是道人多  
浪跡龍門太史未堪誇

送理公之金陵

釋真源

始遂登山約偏從此日分杖頭懸白拂足底踏浮  
雲千里惟心近孤身與道羣石頭城下路踪跡早

相聞

贈無漏開士

胡隱蓮

草广高棲不出山白雲長日伴松間翻殘貝葉香  
銷篆坐破蒲團月滿關優鉢花開圓淨業莎蘿樹  
現妙慈顏禪心寂靜真常樂非有非無無去還

秘藏法師出關紫阜卓錫鄧峰扁其居曰旅

泊余訪師寄宿其處遂以二偈問之李麟

旅泊庵中主宰誰主人寧復更云歸不歸旅泊名  
違義歸去庵中主又非

旅泊庵中孰是賓問離故國幾多春個中未得真



消息漠漠窮途愁殺人

訊無漏師掩關

釋宏灝

心同流水日閒閒無復游行到世間一人定中忘  
白日不知門外有青山衲披竹架雲千片杖倚松  
床月半鑲最是機鋒難可犯夜深堅坐挹慈顏

寄慧日秘藏

棲遲江舍久江上幾迴潮不信秋將半居然暑未  
消翻風庭葉亂浥露砌花嬌二朗經時別何能慰  
寂寥

與無漏師夜坐

釋佛引

高齋遙在翠雲中時有經聲滿碧空九曲苔泉滌  
砌綠一龕松火出林紅隔牕埴影留殘月過壑鈴  
音散曉風未解闡提存佛性細將常理問生公

宿祕藏旅泊庵

習靜來空谷安禪借化城古藤縈壁紫輦草積牀  
平潭浚魚龍穩林空虎豹驚亂蟲悲露冷老樹動  
秋聲嵐重增寒氣峰高掩月明幽然諸念盡頓使  
一身輕別院堪同隱長廊不礙行深公休見笑甘  
負買山名

城南晚眺同慧日秘藏



前登城南樓眺迥空八極鴻雁多哀音林莽鬱寒  
色秋盡海風高驚濤走天黑夕陽界悲泉孤燒明  
廣澤逝川無回波歸鳥無停翼感此百歲期瞥眼  
一瞬息眇茲有漏軀流浪復何益二朗實同志相  
將離火宅

送秘藏之西昌訪郭太乙陵烏諸居士

金策遙來玉几峰江千秋色老芙蓉東辭蜃海千  
餘里西歷煙城百二重帆捲忽驚殘夜雨烏啼休  
憶故鄉鐘此行陶陸忻相遇應繼栽蓮慧遠踪  
訪無漏師掩關不值

潘萬化

逢師初入定寂寂鎖禪關靜觀凝冰水枯心坐雪  
山清風翻貝葉寒月照慈顏無地通叅問藏機自  
往還

禮阿育王寺舍利寶塔偈同聞隱鱗李次公  
二居士作

釋圓復

我過育王瞻禮舍利洗心泣血五體投地從無始  
來未曾見是光明變幻不可思議或現金光或現  
紫氣肉眼不同色相故異我唯諦觀究竟妙義如  
來法身何去何住不變者常見變非偽

此理淵博  
請問居士

夜坐瓶師方丈



老師方丈俯幽岑靜夜縣燈演法音月色平臨山  
殿迴鐘聲遙度海雲深繩牀許我長容膝寶地蒙  
師遍布金何用更遊煙水外方知身在逝多林

結夏育王寺同慧日秘藏

山高暑氣薄松堂松下經行散衆香世事我今初  
解脫法門君不病津梁身同草露須臾在心與溪  
雲日夜涼願借蒲團三尺地殷勤長禮法中王

旅泊庵爲秘藏師兄賦

人生葢載間何日非旅泊朝向客亭遊暮投傳舍  
宿不思歸故鄉擾擾勞行役所幸法王子現身於

五濁憫念諸眾生水泡與風燭示跡等僑居利人  
總華屋欲盡閭浮提同歸極樂國情境旣兩忘妙  
明斯具足

同幽溪大師慧日游秘藏損岩

從事講筵罷乃爲山水期眷言陟損岩開鑿亦何  
奇疊石亂雲影曲澗流澄漪呼童掃石坐山翠落  
我衣烹茶恣賞玩日夕澹忘歸主人修淨業方將  
結茅茨選勝不易得亟宜遂所思白雲分一片與  
我同棲遲

貽三支集與益道謙



松風吹帶山月在簾一吟一詠惟我道謙

送秘藏兄之維揚訪郭太乙陵鳥

君去維揚郡雲山路幾重手携慈竹杖人訪郭林  
宗渡水分芳草擔雲出曉鐘今朝摩頂別應念嶺  
頭松

前題

君向維揚去吾將白下遊錫飛如野鶴杯渡若輕  
鷗楊柳千行綠蒹葭兩岸幽願言宏祖道法雨遍  
閻浮  
前題  
釋受職人

五濁憫念諸眾生水泡與風燭示跡等僑居利人  
總華屋欲盡閻浮提同歸極樂國情境既兩忘妙  
明斯具足

同幽溪大師慧日游秘藏損岩

從事講筵罷乃爲山水期眷言陟損岩開鑿亦何  
奇疊石亂雲影曲澗流澄漪呼童掃石坐山翠落  
我衣烹茶恣賞玩日夕澹忘歸主人修淨業方將  
結茅茨選勝不易得亟宜遂所思白雲分一片與  
我同棲遲

貽三支集與益道謙



松風吹帶山月在簾一吟一詠惟我道謙

送秘藏兄之維揚訪郭太乙陵舄

君去維揚郡雲山路幾重手携慈竹杖人訪郭林  
宗渡水分芳草擔雲出曉鐘今朝摩頂別應念嶺  
頭松

前題

君向維揚去吾將白下游錫飛如野鶴杯渡若輕  
鷗楊柳千行綠蒹葭兩岸幽願言宏祖道法雨遍  
閻浮

前題

維揚在何處吳越到江分帆挂千江月衣披萬壑  
雲忘機鷗作隊說法石爲羣佇想歸來日松堂鐘  
磬聞

謁四明廣利寺舍利塔

郭孔太

間關尋舍利頂禮倍勤劬龍擁千花座光搖七寶  
珠吉雲封古寺海月印浮屠玉几烟霞勝何心問  
二姑

同檀燕徐觀察石梁陶孝廉禮東海鄒峰宿  
理公白雲竹院

海外追隨事采真何緣傾盖自相親同尋赤堇金



仙塔共禮白華大士身風韻何如下榻客高標不  
減攢眉人歡逢坐話無生理落落閭浮喜問津

玉几秘藏法師小園夜坐次韻奉答

小隱傲雲壑柴門鎖翠蘿  
囊泉師長者病榻學維  
摩山靜瀑聲聞人閑鳥語多  
蒲團無別話共坐夜  
如何

禮鄧山設利塔

郭孔陵

鄧峰巖業插東洋隱隱傘雲起雁堂窳堵湧來晉  
代跡梵輪猶帶六朝香鬼工細細鏤奇相帝網重  
重吐異光佛事千年如一日可憐浮世幾滄桑

游育王寺贈秘藏法師

東來佳氣蔚滄溟雲壑尋幽俛碧櫺乳湧金沙薛  
陣散香生玉几茵樓冥霏霏瑤屑支郎塵滴滴  
酬帝釋瓶師受崛山親付囑好將設利作藩屏  
春日同王几理公羅寶網舟中卽事

裏樾春江上春光兩岸明卧查窺奔壘委練浣  
楹送難譚鋒迅催詩筆陣迎夷猶沙嶼裡茗盃御

鷗盟

缺佛寺同理公夜坐

更闌鐘磬靜寂梵王家茗葑深譚夜池塘初吠



蛙龕燈空落燼厨火湯蒸沙禪坐輕寒動隔林起  
曙鴉

理公以敬花室詩見投依次用本韻奉答

丈室高僧集軍持挂蔦蘿新詩驚木客密語攝槃  
陀丘壑鄧山勝煙霞越海多不嫌荒逕僻重過意  
云何

舍利塔 育王山十詠

樂長卿

八萬四千真舍利奉之一顆一浮屠西來駐此開  
慈化香裏常看現寶珠

至几峰

寶殿當頭瑞氣多好峯如几王初磨山靈想有稻

醅供當戶敷陳禮佛陀

金沙井

金沙耀日水溶溶中有靈鰻解化龍親見旱時曾  
應禱山川六月雨漫空

仙書巖

才公坤是何代人名鑄巖石尚如新摩挲老眼看  
不足山鳥一聲天地春

佛跡石

面如滿月色如金萬德融通俱此心不是脚跟豎



似鐵如何踏得石頭深

七佛潭

烏石庵前澗水深一泓寒水空人心當時古佛曾  
泅浴留得清名直至今

大權洞

山椒古洞閒無塵雲物深藏護塔神歲月雖長人  
跡少一番花發一番春

承恩閣

山僧入觀語投機奎畫聯篇出禁闈欲向招提彰  
聖德雲端薨棟尚輦飛

涌現巖

萬山深處石如床寶塔西來向此藏珍重獵師誠  
念切自然雲裏露毫光

妙喜泉

水光心境兩無蹤過鳥行雲亦是空可是老僧親  
會得故留一鑑表清風





明州阿育王山志第十下卷目錄

玉几晨鐘

釋正昇

高明大師開講

法華奉寄

寒玉題畫松

荅胡隱蓮居士

同秘藏法師望海

贈印詮住雲居

送古修入雪竇

和施九岳韻贈秘藏

寄隱蓮居士

送張君平北上

瓊臺雙闕

同鄮山游桃源洞

偶逢南海友隱石梁

同西來觀瀑布

晚秋借藏公游法輪寺

清涼留別秘藏 二首



夏日遇休遠大善寺

雪中坐綠筠軒

聽講罷邀友晚步

聖果寺留別慧舟

春日過竹林精舍

高明寺對月同文心

贈照瞿師住鶴林寺

登千佛閣

石城寄秘藏

送秘藏入吳

靜坐

贈景陽師

雨霽同秘藏山行

雨中訪潘玄素居士不值

雨中坐夜

寄懷歸台麓使君

聞鐘聲寄隱鱗居士

喜季修至

遲繼西兄不至

懷秘藏

同道謙夜坐 四首

山居喜雨

憶母

山居 二首

懷聞隱鱗居士

幽溪大師講經紫阜 鄧山釋正理著

別包桂海

關中留慧日師兄

寄王叔晦

春日遲繼西

宿湖南懷慧日

寄懷胡萊傳隱士

曉鐘

春日同張孺愿西來空波休遠敬中泛舟南郊  
得間字



寄張明蛟

應潘玄素居士齋

金鷲潭聽泉示道謙四首

雪霽

過湖南遠公片石齋

贈天台高明寺文心教公

雨夜孤燈

山中卽事

同玄素慧日坐松下得清字

喜雨

廣慈園贈郭太乙社長

題郭陵鳥居士散花室

送郭世忠金吾之錦衣任

雨中同郭陵寫羅寶網舟中茶話

同廬山杲育二公六度庵看月得清字

層溪懷隱鱗社長二首

匡廬懷潘象易二首

游金牛寺訪度公

初夏懷西來

澄江懷休遠

鍊佛

同友晚登翠峰訪朗公

贈無著師

層溪喜白石育公見過二首

同和六過太虛觀

同郭世光覺予晚過層溪二首

贈湯箕仲四首



明州阿育王山志卷第十下

釋正昇詩稿

泰和郭子章相奎父選

鄞邑聞

龍隱鱗父校


玉几晨鐘

釋正昇

山寺起晨鐘響徹驚大地勞勞夢中人循聲懷擬  
議不了性周圓生滅自淪滯滅却有無想於茲見  
常住萬籟總玄音諸塵皆妙義豈唯夢識離兼亦  
成尸棄

高明大師開講法華奉寄

吾師開講處萬壑翠微陰雲白歸華屋風清徹梵





音天龍咸接足緇素共傾心權假蓮爲喻莊嚴地  
是金定餘香霧濕講罷赤霞深未卜酬恩日多慙  
反哺禽昔從山水別幾見歲時侵應念窮兒乞衣  
珠慰陸沉

寒玉題畫松

孤松崑畔立落落倚欄干一自毫端寫時從紙上  
看高將出霄漢老已耐霜寒更染香煙翠泠泠秀  
可餐

答胡隱蓮居士

幽居萬木深不與世浮沉白日消塵慮青山長道

心霜林經雨潤碧殿入雲陰更得陶潛句頻吟豁  
素襟

同秘藏法師登方山望勝

不失三生約登高望海東潮回江國晚雲散洞門  
空萬壑寒泉白千峰霜葉紅盤桓忘去住譚笑九  
霄中

贈印詮住雲居庵

結屋與雲連星河落檻前高峰華頂月曲澗石橋  
泉寒鳥窺朝針霜猿伴夜禪總知無俗事遙想意  
泠然



贈古修寄跡雪竇

掛瓢歸雪竇寄跡老雲林松逕行無跡藤龕坐息  
心高峰凝靄重絕壑落泉深知爾閉關處凡夫不  
易尋

和施九岳韻贈秘藏

羨爾離塵網耽玄入翠微霜侵花半落秋老葉全  
稀行道聽蓮漏真心掩竹扉醍醐常自飽何假北  
山薇

寄隱蓮居士

空齋寂莫坐梵帙手頻拈春暝鶯啼柳雲晴鵲噪

簷草青迷淨渚苔綠上踈簾轉想逃名士山棲與  
壑潛

送張君平北上

北上長安道遙遙近日邊桃花人萬里楊柳路三  
千秘授青囊藥香分紫禁烟西山多爽氣應對曉  
窓前

瓊臺雙闕

跨壑齊雙闕居然一洞天瓊臺寒落翠丹灶曉生  
烟霞氣橫千嶂泉聲度百川仙牀深且邃暫假坐  
安禪



同鄧山游桃源洞

華頂千峰僻溪深不見村紫霞封石洞清露濕苔  
痕但有花光媚都無人語喧提携因選勝不作醉  
桃源

偶逢南海友人隱石橋淨室

何日辭南海深居近石梁萬年藤作屋一片石爲  
牀屏跡忘塵世標心對夕陽半空花亂墜說法擬  
雲光

同西來觀瀑布

觀瀑跌盤磴渾忘日已斜震雷聲作梵奔暴雨飛

花古木藏青嶂脩藤落翠岬不勞重枕石本自息  
誼譁

晚秋偕藏公遊法輪寺

策杖清遊絕頂峰登臨身逼梵王宮凌空寶剎來  
無厭插漢高崑望不窮直上天梯省冥外俯窺人  
世有無中秋深霜染林間色楓葉垂垂似錦紅

清涼留別秘藏二首

雲山迢遞路崎嶇况值霜風吹衲衣却怪水雲心  
不住暫來復向四明歸

從今瓶鉢兩分携流水浮雲得自宜明日歸途霜



月下不知何處宿茆茨

夏日喜遇休遠于大善寺

何事衝炎熱同爲雲水人君來方一日我住已經  
旬幾見庭花落俄驚砌草新爭如桑下宿抖擻世  
間塵

雪中坐綠筠軒

小軒才一丈幽賞亦難窮竹色侵禪幌香雲裊梵  
宮路迷昨夜雪門掩北來風卽此堪肥遁何須入  
萬峰

聽講罷邀諸侶晚步

叅講乘餘暇邀朋共論文坐依幽澗石足躡亂峰  
雲山半浮寒色林端散夕陰鳥啼喧竹塢心不逐  
聲聞

聖果寺留別慧舟

聖果存名刹留連喜共君一隨東渡葦空望北峰  
雲蜃氣蒸殘暑魚舟蕩夕曛過江才咫尺吳越此  
中分

春日過竹林精舍

歷徧溪邊路還登海上峰門開三畝竹逕轉萬叢  
松柳色春初綠嵐烟雨後濃石林精舍好徙倚對



高春

中秋高明寺對月同文心

共憐今夜月坐賞碧溪頭  
雲散諸天淨風搖萬木  
秋露珠凝布衲桂魄浸磁甌  
縱有人間樂何如此  
地幽

贈照瞿師住鶴林寺

買山名不負卜地構松房  
覺路通山郭禪扃次水  
鄉錫嘗解虎闕鉢已制龍  
藏畢世從棲遁焚香禮  
雁王

同曇芳五空秘藏登天寧寺佛閣

相從竹逕演三車又上層樓送落霞  
風散人煙瞻雉堞香騰寶座襲袈裟  
馮虛似駕冲霄鶴倚檻如乘入漢槎  
雲布太湖通海角舟橫長水接天涯  
暫依霞閣消殘暑莫待田衣着落花  
醒夢未遭楫滌煩湏藉趙州茶  
高談忘却坐來久日轉樹影斜

石城寄秘藏

行踪來海國棲泊久矜妍  
野鳥還成隊哀猿不忍聽  
烟雲含弱柳風浪逐浮萍  
獨此經時別朝朝憶鵲鳩



清涼講席送別慧舟

萬峰高處迴浮屠露滴松烟石磬孤對坐繩床翻  
貝葉同分瓦鉢飯伊蒲慧舟已自堪爲渡覺海何  
勞更折蘆揖別梅花當臘盡到門楊柳徧西湖

送秘藏入吳

風飄一葉落庭梧寒色蒼蒼滿鑑湖施食慣看來  
宿鳥放生正喜易秋鱸山中竹杖纔離越江上蓮  
舟直入吳此去不勞論世諦賞功應錫頂中珠

靜坐

山河天眼世界法身不存義解豁爾相親

贈景陽師修淨業

換水與焚香殷勤供法王翻經趺半榻行道遶長  
廊雲護千華燿燈明百寶光不須尋覺路卽此是  
津梁

雨霽同秘藏山行

雨餘收薄靄晚照暎緇衣看屐梯危磴攀蘿土翠  
微澗途添虎跡新水沒鳧磯笑指樵夫樂長歌荷  
擔歸

雨中訪潘玄素居士不值

嫩浮池畔草香度嶺頭梅曲徑攀蘿薜危橋滑蘚



附育三山志 卷一  
苔不知雲外去空向雨中來悵望門前柳寒烟鎖  
不開

雨中夜坐

窗外雨聲微孤燈伴衲衣松風鳴玉几山霧掩柴  
扉

寄懷歸台麓使君

春風二月泛吳航仙貌稜稜步履強千里遠過尋  
寶壙幾宵良晤對匡牀詩篇屢見高人賞意氣難  
教乞士忘未得一瓢隨杖履虎丘烟樹隔微茫

聞鐘聲寄隱鱗居士

山林衆喧息獨有夜鐘清已悟聞中寂何妨定裡  
鳴向來原不滅當處亦無生寄語箕山叟毋嫌瓢  
作聲

喜季脩至

自別錢塘久來過鄮嶺遙隨身唯一杖乞食祗單  
瓢步雪尋樵徑穿雲渡石橋故多山水趣從此伴  
鷓鴣

遲繼西兄不至

每日山中寺雲端聽足音寒風欺病衲秋色老禪  
林總乏棲遲侶仍多去住心夕陽看到暝咄咄苦



行吟

懷秘藏

浮居無所事只是飽看山坐石休綿力臨溪照瘦  
顏每因多病障翻得一身閒不禁幽人思時從暝  
色還

同道譙夜坐四首

竹外星光皎皎松間月色娟娟更盡絕無天籟何  
處忽有人烟

一盞瑠璃佛火半函貝葉經文獨露真如法性原  
無生滅見聞

末法固多荆棘從來不礙鳧鷖榮辱非關我事清  
閒且得自由

擬議便成瑣瑣安心只要休休故非吞針羅什豈  
師洗耳巢由

山居喜雨

日色須臾沒油雲暗草寮濯枝新砌竹潤葉長田  
苗玉几嵐烟繞金沙蜃氣飄景幽心更寂熱惱一  
時消

憶母

靜啟松牕映落暉白雲遙望憶慈幃禪關不禁甯



親夢一夕曾從萬里歸

山居 二首

始覺塵中事事非  
閒扶竹杖覓松扉  
桑田任變爲  
滄海惟有山居可息機  
山僧跣跡萬山深  
禪侶詩朋不易尋  
侵曉呼童煮  
黃獨松烟縷縷冒疎林

懷聞隱鱗居士

竹榻依巖下山深  
似虎溪時聞幽鳥語  
又聽暝猿啼  
行道霞城表  
懷人湖水西  
禪門晝亦掩  
春草日萋萋

幽溪大師講經紫阜

鄮山釋正理著

紫阜山陰曲祇園  
秋日長法雲垂  
片石講座隱脩  
篁白象空中降  
青蓮舌上香  
醍醐蒙灌頂  
心地得清涼

別包桂海

別君歸寺近野鶴  
已棲松侍者烹茶  
待爐烟帶晚風

關中留慧日師兄

茆屋塵囂遠觀心  
不計寒爆聲催歲  
暮雪意逼冬  
殘蘭蕊堪爲茗  
松花可當飡  
願留同掛錫  
世路任



漫漫

寄王叔晦

開池五峙避人寰  
破衲蒙頭學掩關  
日暖荷花香別院  
風清天籟發空山  
盤蘿翠落雙峰外  
曲徑雲生片石間  
陶令久忘廬阜約  
日長誰與聽潺湲

春日遲繼西

芳草生幽徑  
清風度空壑  
忍衣束幻形  
稍覺心開廓  
因思仁者歸  
坐見梅花落

宿湖南懷慧日

久別湖南寺  
歸逢歲暮天  
息肩依上座  
屏跡學枯

禪松頂流明月  
鐺中煮凍泉  
有懷時咏物  
得句向誰傳

寄懷胡萊儔隱士

素志耽清梵  
飄然住翠微  
峰迴猿嘯近  
林迴馬蹄稀  
明月移松榻  
閒雲度竹扉  
何時來逸客  
共飽此山薇

曉鐘

織妄成宿因  
靈臺甘自棄  
見聞逐塵勞  
知覺馳思議  
侵曉星初落  
洪鐘開鄙滯  
響發聞寂然  
聲滅聞恒住  
去住本來如  
斯是圓通義  
旋倒入三摩  
超登



歡喜地

春日同張孺愿西來空波休遠敬中泛舟南  
郊得間字

飯罷香樓側乘舟望遠山綠烟城郭外芳草水雲  
間寺畔梅初落郊南柳足攀藤蘿忘坐久日夕未  
云還

寄張明蛟

抱病棲空谷心間境自清聽蟬穿竹徑看鹿出山  
城涼發娑羅影香分蒼葡萄英懷人結幽思佇望白  
雲生

應潘玄素居士齋

三徑春風暖盤桓鳥道長鉢餘居士供花落比丘  
裳門映溪流碧窓涵山月黃壠頭梅影瘦清氣襲  
松堂

金鷲潭聽泉示道謙

聲和本無常飛流長足聽旋聞得聞機無垢亦無  
淨

坐石聽潺湲凡襟不待洗塵銷心寂然佛法無多  
許

萬峰欲盡處一水自澄深涓涓生石罅汨汨送清



音

西山日漸垂五峙雲閒過山水不遺人枕流帶月  
卧

雪霽

雪霽孤輪迴梵林玉梅齊放北山陰香風習習清  
禪思補衲朝陽倚翠岑

過湖南遠公片石壘

何來一片石對檻秀峻嶒雙樹標清沼孤峰掛綠  
藤胡光連月白香氣雜雲騰三藏齋頭富類翻繼  
祖燈

贈天台高明寺文心教公

藤蘿閑密布喜自踏香塵討論翻龍藏尋幽與鹿  
隣竹青松室暗水綠草堂新心賞白雲外終期爲  
法親

雨夜孤燈

一夜經行破綠苔長空風雨一時來銀燈喜伴枯  
禪坐不覺蓮花漏已催

山中卽事

樹色涵窓綠山光入座清鳥歸春日暮薄翠逐風  
行



同玄素慧日坐松下得清字

偕友坐松根悠悠野思生藤陰連竹翠草色雜雲  
輕夕照含山秀春風度水清靜談超世外相對兩  
忘情

喜雨

山深暑不到夏雨更清涼虛牖香烟出成雲散草  
堂

廣慈園贈郭太乙社長

新築名園隔紫陌長者亭幽敞虛白數畝方塘鑿  
碧空爲贖簷梁恣所適隄上扶疎卉木多出籠病

鳥堪舒翮魚因流水生初利飯藉維摩假香積乞  
掃林宗十笏地靜對一泓坐片石

題郭陵鳥居士散花室

別墅坤湖曲幽深挂薜蘿溪聲宣梵唄天女散曼  
陀樹帶烟雲薄峰鬟翠靄多欲來聞不二借座意  
如何

送郭世忠金吾之錦衣任

爲送佳公子樓船出海濱柳垂江上月桃映水中  
春詔執金吾久衣披錦繡新逃禪君有癖應與道  
相親



雨巾山志 卷一  
賦詩雨中同郭陵鳥羅寶網舟中茶話

纜解梅墩下輕帆挂碧川杯香秋露白鑑冽□□  
□雨暗江邊樹雲迷谷口天塵譚花落處疑是浪

中仙

同廬山杲育二公六度庵看月得清字

春游渾不倦午夜又經行看月穿林白聽鐘入座  
清幽襟開二朗雅致結三生鼓吹蛙陳野催詩到  
化城

層溪懷聞隱鱗社長 二首

層溪遙憶鑒湖濱柳拂湖光景色新中有幽人泉

石賞笑余乞食混風塵

其二

湖曲煙消春水來紅梅香散碧桃開因借雲衲尋  
芳晚新句琳琅佩月回

匡廬懷潘象易居士 二首

匡山截薛出雲層樹杪泉聲清夜燈遙想靈岩踈  
散客獨看山色一枝藤

其二

五老峰頭做石門澄江一望鏡無痕宗雷蓮社今  
重結 莫攢眉滯數園



游金牛寺訪度公

負郭標名刹江山一望收芳林弄春鳥新水浴晴  
鷗几淨香浮白牕虛花正幽遠公垂拂後默處許  
誰投

初夏懷西來

分袂湖南是暮秋新詩遺我壯行舟客林又聽啼  
春去旅思蕭然憶舊遊

澄江舟中懷休遠

春雨澄江江水饒柳風蘭漿送輕橈因懷越國安  
禪者片石旋聞聽海潮

鍊佛

廬陵志載鍊彌陀長一丈六尺涌自水中萬曆甲寅秋寺災於火而相好無恙

佛體波心涌黑金白毫螺髻火難侵一重公案重  
拈出為有魚龍聽梵音

同靜臺納川晚登翠峰訪朗公

共耽丘壑癖薄暮訪支公孤刹神岡上千山落照  
中松聲清石几月色冷花宮漁火烟波出垂楊數  
點紅

贈無著禪師

南嶽來禪德層溪罷折蘆心將蓮共潔貌與鶴同  
癯茶熟庭前雪寒消榻畔爐雅懷能好客常得伴



寓六度庵喜白石兄見過 二絕

邂逅逢師已夕曛香烟馨韻雜氤氲詩成字字陽  
春調促鄰松寮坐夜分

其二

瓢笠何年渡宛溪耽雲廬阜旁岩棲偶來汾水同  
除夜話到交蘆空悟迷

同和六過太虛觀

春林新霽豁人眸石宕溪邊喜共遊桐栢婆娑符  
籙古不辭迢遞過舟邱

同郭世光覺予過層溪

暮春鶯語過層溪共眺三山烟霧迷桃樹陰陰間  
垂柳濤聲雪浪白雲低

其二

溪邊閒步野花香洗耳溪聲逸興長兩岸秧針田  
半綠漁燈閃閃出滄浪

贈湯箕仲 六言四首

樓外遠山高聳垂簷綠樹依依悟得草頭生意凝  
然一榻忘機

其二



附青三山志 卷一  
已謁白華大士又參鄧嶺釋迦五悔時常精進藏  
修喜搭袈裟

其三

自解塵勞虛幻舌端刺血書經有志直趨寶渚導  
師滅却化城

其四

浮世任渠汨汨清閒喜伴孤燈永夜蒲團寂寂印  
心讀誦大乘



